




## МЕСЯЦА ДЕКАБРЯ В 12-Й ДЕНЬ

Преподобнаго отца нашего Спиридона  
чудотворца,  
епископа Тримифийскаго

ВЕЧЕР

На Господи, возвах: стихиры на 6, глас 5.

Подобен: Радуйся:

 радуйся, архиереев правило, / Церкви непоколебимое утверждение, / славо православных, / чудес источник, / любви струя неистощима, / светильниче многосветлый, / духа органе, / уме Божественный, / краткий и незлобивый, / иже простотою истинною украшаем, / человеке Небесный, земный Ангеле, / винограда делателю, / Христов друже искренний, / Того моли подати тебе чтущим велию милость.

**К**роток и наследник земли ты кратких / войстинну показался еси, Спиридоне, / отец славо, / иже жилами мудрых и простых твоих словес Божественною благодатию / врага вселукаваго и пребезумнаго Ария удавил еси / и, веление Божественное всем уяснив, / верным показал еси, / и спасительное возвысив духом, / вся же православныя просветив яснейше / Единого славити Слово, / яко войстинну Единосущное Отцу Пребезначальному, / подающее миру велию милость.

**С**трасти умертвив плотския, / мертвыя благодатию Божиею возставил еси, / и змию в злато

претворил еси, / и реки стремление молитвою  
 твоёю, отче, обуздal еси; / ношью же царю явлься  
 бедствующему, / сего исцелил еси к сердцу при-  
 ближением, / Господу ты преславно прославля-  
 ющу. / Тёмже велегласно твою память почитаем / и  
 мощей Божественную и священную раку чтим, / из  
 неяже истекает врачеваний Божественная струя /  
 и велия милость.

### Слава, глас 1:

Преподобне отче, блаженне Спиридоне мудре, /  
 мёртвую, якоже живу, вопросил еси любви ради  
 Божия; / змию же преложил еси в злато нищетою  
 обдержимому, / течение же удержал еси реки,  
 сострадательствовав людем; / царю же предстал  
 еси врач промышлением Божиим; / мёртвые же  
 паки возставил еси, яко Того ученик, / и веру  
 уяснил еси посреде отцев многих. / Вся убо могый  
 во укрепляющем тя Христе, / Того и ныне моли  
 спастися душам нашим.

### И ныне, Богородичен или Крестобогородичен.

Подобен: Всехвальный мученицы:

Заколение Твое несправедное, Христе, / Дева  
 зрящи, / плачущи, вопияше Ти: / Чадо Сладчай-  
 шее, / како без правды умираеши? / Како на Древе  
 висеши, / Иже всю землю повешей на водах? / Не  
 остави Мене едина, Благодателю Многомилости-  
 ве, / Матерь и рабу Твою, молюся.

### На стиховне Октоиха.

### Слава, святого, глас 2:

Святителей Божественный сосуд, / отче препо-  
 добне, Спиридоне мудре, / ты добродетельми пока-  
 зался еси: / сего ради Церкви предстатель быв, /  
 ересеначальники изгнал еси / и Ариево хуление  
 соборне на землю низложил. / Тёмже, чудодей-  
 ствуя делом и словом, / Спаса моли спастися  
 душам нашим.

### И ныне, Богородичен или Крестобогородичен.

Подобен: Егда от Древа:

Древу крестному Тя, Иисусе, пригвождена зря-  
 щи Неискусобрачная, / плачущи, глаголаше: / Ча-

до Сладкое, почто оставил еси Мене, / рождшую  
Тя, еди́ну, / Свете Неприступный Пребезначальна-  
го Отца? / Потщися и прославися, / яко да славу  
получат Божественную / иже Божественныя стра-  
сти Твоя славыщи.

### Тропарь, глас 1:

**С**обора Перваго показался еси поборник и  
чудотворец, / Богоносе Спиридоне, отче наш. /  
Темже мёртву ты во гробе возгласив, / и змию в  
злато претворил еси, / и вегда пети тебе святыя  
молитвы / Ангелы, сослужащия тебе, имел еси,  
священнейший. / Слава Давшему тебе крепость, /  
слава Венчавшему тя, / слава Действующему то-  
бою всем исцеления.

**Или сей, глас 4: Правило веры:  
Слава, и ныне, Богородичен.**

НА УТРЕНИ

**Оба канона Октоиха, без мученичнов. И святаго  
канон на 6. Глас 2. Творение Феофаново.**

### Песнь 1

**Ирмос:** Во глубинѣ постла иногда / фараонит-  
ское всеобинство преоруженная сила, / воплощ-  
шееся же Слово всезлбный грех потребило есть: /  
препрославленный Господь славно бо просла-  
вился.

**Кротких** землю достиг, отче, яко кроток, и  
милостив, и чист быв, / настоящую сердца моего  
укроти бурю, / яко да, в тишине Божественней быв,  
песнословлю тя.

**Делани**и Божественными душо, отче, очистив, /  
Боговиден, Спиридоне, был еси / и Божественнаго  
Духа пресветлым обогатился еси осиянием; / тем  
озаряеши чисто блажащия тя.

**От** паствы, якоже Давид, тя восприем, Содетель /  
словесныя тя постави паствы пастыря  
всеизящнейша, / простотою и кротостию сияюща /  
и беззлбием, преподобне пастырю, украшаема.

**Богородичен:** Пресвятая Дево Чистая, / просвети  
и освати помышления и душу мою, молюся, /

облаки разоряючи невѣжества моего и тьму отъѣмлющи греховную, / яко да по долгу ублажаю Тя.

### Песнь 3

**Ирмос:** На камени мя веры утвердив, / разширил еси уста моя на враги моя, / возвеселибоя дух мой, внигда пѣти: / несть свят, якоже Бог наш, / и несть праведен, паче Тебе, Господи.

Ум твой безстрастием просветив и Божественным смиреніем украсився, / дарования Духа приѣл еси отгонити дѹхи / и решити недуги верно чтущих тя, священнейше.

Змия началозлобнаго убив, / нрав сребролюбный поправ, милуя требующаго, святителю, / змия преложил еси в златую утварь священными твоими молитвами, / отче преподобне.

Возшел еси на гору безстрастия, / вшел еси во храм Боговидения, / в скрижали же сердца твоего приѣл еси закон спасительный, / яко священнейший и угодник присный Владыки Твоего.

**Богородичен:** Уврачи струпы души моея, / ум мой, омраченный нерадением, Богоневесто, озари, да пою: / несть непорочны, паче Тебе, Непорочная, / и несть чисты, паче Тебе, Владычице.

### Седален, глас 8.

Подобен: Премудрости:

От паствы овец предстательствовати Христове Церкви вручився, / пастырь Богопроизведен ты, Спиридо́не, возсиял еси, / злославія волки отгна́л еси словесы твоими, на благочестия пажити сию воспитав. / Темже посреде Богоносных отцев веру утвердил еси мудростию дѹха, / иерарше блаженне, моли Христа́ Бога, прегрешений оставление даровати / празднующим любовью святую память твою.

### Слава, и ныне, Богородичен. Подобен:

Яко Всенепорочная Невесто Творцу, / яко Неискусомужная Мати Избавителя, приятелище яко сущи Утешителя, Всепѣтая, / беззакония мя суща скверное обителище / и демонов игралище в разуме бывша, / потщися от тех злодейства мя

избавити / и свѣтлое жилище добродѣтелей совершій, светоносная, нетлѣнная. / Отженіи облак страстей и Вѣшняго причастья сподоби / и свѣта невечерняго молитвами Твоими.

### **Крестобогородичен:**

**А**гнца, и Пастыря, и Избавителя Агница зрящи на Крестѣ, / восклицаше, плачущи, и, горько рыдающе, вопияше: / мир убо радуется, приемля Тобою избавление, / утроба же Моя горит, зрящи Твое распятие, / еже терпиши за милосердіе милости. / Долготерпеливе Господи, милости бездно и источниче неисчерпаемый, / умилосердися и даруй согрешений оставление / верою поющим Божественныя страсти Твоя.

### **Песнь 4**

**Ирмос:** *Пришел еси от Девы не ходатай, ни Ангел, / но Сам, Господи, воплощся, / и спас еси всего мя, человека. / Тем зову Ти: слава силе Твоей, Господи.*

**У**глыми Честнаго разжегся Духа, / страстей удобопопалаемую вещь, всеблаженне, пожегл еси, / мир же огнесияньми добродетелей твоих, Спиридо́не, просветил еси.

**У**мертвив твою плотская движения, Богодохновенне, / мертвья возставил еси животворным твоим приглаголанием. / Темже молю тя: / умерщвленную душу мою, отче, оживи.

**П**овинующихся, мертвая тебе глас, отче, даде / и речная стремления твоими удержашася повелении: / явился еси бо, блаженне, чудодѣлатель, / Божественную благодать приемь.

**Богородичен:** Пророцы Твоего таинства глубину провозвѣстиша недомысленную: / едина бо родила еси, Чистая, Недоразумѣаемаго, / воплощенна за милосердіе исповѣдимое.

### **Песнь 5**

**Ирмос:** *Просвѣщение во тьме лежащих, / спасение отчаянных, Христѣ, Спасе мой, / к Тебѣ утренюю, Царю мира, / просвети мя сиянием Твоим, / иного бо, разве Тебѣ, бога не знаю.*

**Река** сущих в тебе дарований всякое напоет, преподобне, сердце, / всем дарует богато здравие, / вся Бога к славе возставляет, тебе прославльшаго / и чудодействы всякими почетомовавшаго.

**Тя** царь земный, блаженне, / Царя Небеснаго яве позна искренняго раба / и дарований Божественных исполненнаго, внигда приити тебе к нему / великаго врача к Богу возвещая.

**Авраамову** страннолюбному нраву ты уподобився, / всем дома твоего входы отверзл еси, / и всем всяк был еси, и промышляя сущими во обстоянии, / Спиридоне блаженне.

**Богородичен:** Нова нам породила еси Младенца, / прежде веков, Отроковице, рождена от Отца Безначальна. / Егоже умоли, яко Сына и Бога Твоего, / ущедрити Богородицу Тя, Пречистая, душею чистою возвещающая.

### Песнь 6

**Ирмос:** В бездне греховней валяясь, / неизследную милосердия Твоего призываю бездну: / от тли, Боже, мя возведи.

**Злато,** яко кал, тебе вменися, паче злата безстрастием сияюще / и обогатившуся, преподобне, даровании всезлатыми Духа.

**Чисто** служя Владыце Твоему, / множество имел еси, преподобне, послушающее Тебе ангельских сил / невидимыми глазами, священнейше.

**Преславное,** всеумдре, житие твое миру ты преславна, отче, содела. / Темже Божественную память твою, / радуящися, совершаем, поющи Тя.

**Богородичен:** Небес ширши чрево Твое бысть, Неискусомужная, Бога вместившее, / нигдеже вместимаго, Всевышняя Дево Богоневесто.

### Кондак, глас 2.

**Подобен:** Вспних ища:

**Любовию** Христовою уязвився священнейший, / ум вперив зарю Духа, / детельным видением твоим деяние обрел еси, Богоприятне, / жертвенник Божественный быв, / прося всем Божественнаго сияния.

**Икос:**

**Из** чрева освященнаго иерарха Господня, восхвалим ныне Спиридона, / благодати скрижали приешаго Божественнаго славы, / и в чудесех преславнаго всей твари, / и яко тепла и самовидца Божественнаго осияния, / яко нищих представителя и согрешающих душеводца: / той бо Божественна Престолу Христову жертва бысть, / прося всем Божественнаго сияния.

**Песнь 7**

**Ирмос:** Богопротивное веление беззаконнующаго мучителя / высок пламень вознесло есть. / Христос же простре Богочестивым отроком росу духовную, / Сый благословен и препрославлен.

Моисеево незлобие, Давидову кротость, Йова Авситидскаго непорочное стяжав, / Духа был еси жилище, поя, священнейше: / Сый благословен и препрославлен.

Орошения на главу твою во время жатвы небеса искапаша, будущее прознаменоваша: / Бог бо, якоже рече, Божественную память твою, преподобне, прослави, / верныя освящая ходатайством твоим.

В соборе отцев ты Бог прославляет, / на суде словеса твоя сохраняша, блаженне, / яже верою принесл еси, безсловеснейшаго Ария обуяющая яве / и упраздняющая сего противление.

**Богородичен:** Грозд возрастила еси неизреченным словом, / яко лоза, Дево, Единого невозделаннаго, / вино источающая, вся веселящее, вся освящающая земныя / и всяко пьянство лютых отъемлюща.

**Песнь 8**

**Ирмос:** Пещь иногда огненная в Вавилоне действия разделяше, / Божиим велением халдеи опаляющая, / верныя же орошающая, поющая: / благословите, вся дела Господня, Господа.

Пещь страстей Божественными орожденными Божественнаго Духа погасил еси / и росу источил

еси́ недуго́в, о́тче, зной отъе́млющую / ве́рно к тебе́  
приходя́щих всегда́, блаже́нне Спиридо́не пребо-  
га́те.

**Беззло́бив, прав, кро́ток же, и ми́лостив, и  
незлопа́мятлив был еси́, / любо́вен, страннолю́-  
бец, иера́рх священнейши́й, / му́дростию укра́-  
шен, преподо́бне, Правосла́вия. / Те́мже ты ве́рою  
почита́ем.**

**Дре́вле тебе́ глас, я́ко жива́, уме́ршая вопро́шшу  
ти, о́тче, даде́. / О, чудесе́ изря́дна! / О, пресла́внаго  
та́инства! / О, благода́ти, ю́же получи́л еси́, / жити́-  
е́м украша́емь а́нгельским, досточу́дне!**

**Богоро́дичен: Стра́сти моего́ се́рдца исцели́  
ми́лостию Твое́ю, Всепе́тая, / ум мой умири́, и ду́шу  
мою́ просвети́, / и ходи́ти мя возблагопу́тстви на  
стеzí спаси́тельныя, / я́ко да при́сно пою́ Тя,  
Всепе́тая.**

### Песнь 9

**Ирмо́с: Безнача́льна Роди́теля Сын, Бог и Гос-  
по́дь, / вопло́лся от Де́вы, нам яви́ся, / омраче́нная  
просвети́ти, собра́ти расточе́нная. / Тем Всепе́тую  
Богоро́дицу велича́ем.**

**Безнача́льна Роди́теля Сы́на я́сно пропове́дал  
еси́, / Единосу́щна Отцу́ и Соприсносу́щна, / посре-  
де́ Богоно́сных отце́в возвели́чився, / и беззакон-  
нующих заградил еси́ уста́, / святите́лю всебла-  
же́нне.**

**Многосве́тлое со́лнце, отце́в украше́ние, / иереев  
сла́ва, А́нгелов совсе́льниче, / твою́ светно́сную  
па́мять ра́достно ны́не соверша́ющая / Све́та спо-  
до́би невече́рняго моли́твами твои́ми.**

**Божество́нная селения́, град Небе́сный, праз-  
днующих кра́сный лик / освяще́нную ду́шу твою́ и  
добродете́льми украшенную, всеблаже́нне, / при́ят  
во гла́се ра́дования.**

**Богоро́дичен: Ве́лие та́инство па́че ума́ Рожде-  
ства́ Твоего́ удивля́ет А́нгелы, Богора́дованная, /  
наслажда́ет преподо́бных собо́р, священны́я же  
веселит отцы́, / Божество́нно пою́щая ты, наде́жду  
душ на́ших.**



**Светилен Октоиха.  
Слава, святого.**

**Подобен: Небо звездами:**

**Т**я от безсловесныя паствы преведе в словесную Дух, Богоносе, / якоже Моисея и Давида, ихже уподобился еси нраву, Спиридоне, / свете вселенных.

**Богородичен:**

**С**ущих от Бога миру поданных благих Ты вина была еси, Богородице, / но и ныне умилостиви о общем спасении благопременнаго Бога.

**На стиховне Октоиха.**

**Слава, святого, глас 4:**

**П**реподобне отче, святителю прехвальне, / апостольскаго учения быв исполнен / и Божественнаго Духа жилище / добродетельнаго ради жителства показався, / церковныя волки учеными отгнал еси / и Православных веру уяснил еси, / столп явился еси благочестия и поборник. / Темже и, чудодействуя в концех, / змию в злато преложил еси / и мертвую к вопрошению воздвигл еси, / но, о отцев досточудне и учителей собеседниче! / Спасу молися спасти души наша.

**И ныне, Богородичен  
или Крестобогородичен.**

**Подобен: Яко добля:**

**У**мерщвляема видящи Христа, / Пречистая Владычица, / умерщвляющая лстываго, / восклицаше, горце зывающи, / иже из утробы Тоя произшедшу, / и, долготерпению Его чудящися, зываше: / Чадо Моё Любезнейшее, / не забуди рабы Твоея, / не закосни, Человеколюбче, Моё утешение.

**НА ЛИТУРГИИ**

**Блаженны Октоиха и святого песнь 3-я. Прокимен, глас 1: Уста моя возглаголют премудрость, / и поучение сердца моего разум. Стих: Услышите сия, вси языцы: Апостол ко Евреем, зачало 335. Аллилуия, глас 2: Уста праведнаго поучатся премудрости: Стих: Закон Бога его: Евангелие от Лукы, зачало 24. Причастен: В память вечную:**

**Святитель Спиридон, епископ Тримифунтский** (Саламинский), чудотворец, родился в конце III века на острове Кипре, где Евангелие Христово было возведено в I веке святыми апостолами Павлом и Варнавой (Деян. 13, 4—12). О существовании Кипрской Церкви с глубокой древности свидетельствуют многие кипрские святые, поименованные в греческом синаксаре.

С детских лет святой Спиридон пас овец, чистой и Богоугодной жизнью подражал ветхозаветным праведникам: Давиду — в кротости, Иакову — в сердечной доброте, Аврааму — в любви к странникам. В зрелом возрасте святой Спиридон стал отцом семейства. Необычайная доброжелательность и душевная отзывчивость привлекли к нему многих: бездомные находили в его доме приют, странники — пищу и отдых. За непрестанную память о Боге и добрые дела Господь наделил будущего святителя благодатными дарами: прозорливости, исцеления неизлечимых больных и изгнания бесов.

После смерти жены, в царствование Константина Великого (324—337) и его сына Констанция (337—361), святой Спиридон был избран епископом города Тримифунта. В его лице паства приобрела любвеобильного отца. Во время продолжительной засухи и голода на Кипре, по молитве святителя Спиридона, пошли дожди, и бедствие прекратилось. Доброта у святого сочеталась со справедливой строгостью по отношению к людям недостойным. По его молитве был наказан немилосердный хлеботорговец, а бедные поселяне избавлены от голода и нищеты.

Завистники оклеветали одного из друзей святителя, и тот был заключен в тюрьму и приговорен к смертной казни. Святой поспешил на помощь, путь ему преградил многоводный поток. Вспомнив, как перешел разлившийся Иордан Иисус Навин (Нав. 3, 14—17), Святитель с твердой верой во Всемогущество Божие вознес молитву, и поток расступился. Вместе со спутниками, невольными очевидцами чуда, святитель Спиридон перешел посуху на другой берег. Предупрежденный о происшедшем, судья встретил святителя с почетом и отпустил невинного.



Много чудес совершил святитель Спиридон. Однажды во время Богослужения в лампаде догорал елей, и она стала угасать. Святитель огорчился, но Господь утешил его: лампада чудесно наполнилась елеем. Известен случай, когда святому Спиридону незримо сослужили ангелы, и после каждой ектении слышалось пение ангелов: «Господи, помилуй». Святитель исцелил тяжело больного императора Констанция; разговаривал со своей скончавшейся дочерью Ириной, уже приготовленной к погребению; оживил благодатию Божией умершего ребенка, а затем и его мать, при виде чуда упавшую бездыханно.

Провидя тайные грехи людей, Святой призывал их к покаянию и исправлению. Тех, кто не внимал голосу совести и словам Святого, постигало наказание Божие.

Как епископ, святой Спиридон являл пастве пример добродетельной жизни и трудолюбия: пас овец, убирал хлеб. Он чрезвычайно заботился о строгом соблюдении церковного чина и сохранении во всей неприкосновенности Священного Писания. Святитель строго обличал священников, которые в своих проповедях неточно

употребляли слова Евангелия и других Богодухновенных книг.

В 325 году святитель Спиридон участвовал в I Вселенском Соборе в Никее. Осененный Божией благодатью, он обратил в Православие ученого греческого философа, защищавшего ересь Ария: «Един есть Бог, сотворивший Небо и Землю, и создавший из земли человека, и устроивший все прочее, видимое и невидимое, Словом Своим и Духом; и мы веруем, что Слово это есть Сын Божий и Бог, Который, умилиосердившись над нами, заблудшими, родился от Девы, жил с людьми, пострадал, и умер ради нашего спасения, и воскрес, и с Собою совокресил весь род человеческий; мы ожидаем, что Он придет судить всех нас праведным судом и каждому воздаст по делам его; веруем, что Он одного Существа со Отцом, равной с Ним власти и чести... Так исповедуем мы и не стараемся исследовать эти тайны любопытствующим умом, и ты — не осмеливайся исследовать, как все это может быть, ибо тайны эти выше твоего ума и далеко превышают всякое человеческое знание». Философ признал правоту святителя и сказал своим друзьям: «Пока состязание велось посредством доказательств, я своим искусством спорить отражал все, что мне представляли. Но когда, вместо доказательств, из уст этого старца стала исходить какая-то особенная сила — доказательства против нее бессильны, — Богу человек противиться не может... последуем за этим старцем, устами его говорил Сам Бог». На Соборе в Никее святитель Спиридон так объяснил арианам исповедуемое православными единство Трех Божественных Ипостасей Святой Троицы: святой взял в руки кирпич и стиснул его — вверх мгновенно метнулся огонь, вода потекла вниз, а глина осталась в руках чудотворца.

«Вот три стихии, а кирпич один, — сказал святитель Спиридон. — Так и в Пресвятой Троице — Три Лица, а Божество Единое». По некоторым сведениям, святитель Спиридон участвовал и в деяниях Поместного Собора

342—343 годов в городе Сердикe (ныне столица Болгарии София).

Господь открыл святителю приближение его кончины. Последние слова святого были о любви к Богу и ближним. Около 348 года во время молитвы святитель Спиридон представился ко Господу. Погребли его в храме в честь святых апостолов в г. Тримифунте. В середине VII века мощи святителя перенесены в Константинополь, а в 1453 году — на остров Керкира в Ионическом море (греч. название острова — Корфу). Здесь, в одноименном городе Керкира (главный город острова) и поныне сохраняются святые мощи святителя Спиридона в храме его имени (десная рука святителя почивает в Риме). Пять раз в году на острове совершается торжественное празднование памяти святого Спиридона.

Святитель Спиридон Тримифунтский издревле почитается на Руси. «Солоноворот», или «поворот солнца на лето» (25 декабря нового стиля), совпадающий с памятью святителя, называли на Руси «Спиридоновым поворотом». Особым почитанием пользовался святитель Спиридон в древнем Новгороде и Москве. В 1633 году в Москве был воздвигнут храм во имя святителя.

В московской церкви Воскресения словущего (1629) находятся две чтимые иконы святителя Спиридона с частицей его святых мощей.

В славянских служебных Минеях его имя встречается с XI века. К тому же времени относят перевод службы святому, составленной Феофаном Палестинским в первой половине IX века.

О жизни святителя Спиридона сохранились свидетельства церковных историков IV—V веков — Сократа Схоластика, Созомена и Руфина, обработанные в X веке выдающимся византийским агиографом блаженным Симеоном Метафрастом. Известно также Житие святителя Спиридона, написанное ямбическими стихами его учеником святителем Трифиллием, епископом Левкуссии Кипрской († ок. 370; память 13 июня).



**Преподобнаго отца нашего Ферапонта,  
иже на реце на Костромѣ, на устьи Моны рекы,  
Галическаго новаго чудотворца.**

**НА МАЛОЙ ВЕЧЕРНИ**

**На Господи, возвах: зри стихиры с великой  
вечерни**

**На стиховне стихиры, глас 2.**

**Подобен: Доме Евфрафов:**

**Д**ом Духа Пресвятаго / был еси, отче, / и нас  
молитвами твоими / вселение покажи Святѣй  
Троице, / Богомудре Ферапонте и пребогате.

**Стих: Честна пред Господем / смерть преподоб-  
ных Его.**

**Приидите, вернии, / радуящися, внидем в  
церковь / и в веселии сердца облобызаем / честныя  
мощи Ферапонта Богомудраго, / да исцеление и  
грехов прощение прийдем молитвами его.**

**Стих: Блажен муж, бойся Господа, / в заповедех  
Его восхощет зело.**

**Приими пение чад своих, / Ферапонте отче, / и  
поющим обречение мощей твоих / и любящим тя  
подавай / еже на пользу прошение.**

**Слава, и ныне, Богородичен, подобен тойже:**

**Вышнии лица, / Богородице Дево, / поют с  
нижними, / славяще непрестанно / Рождество Твое  
Пречестное.**

*Тропарь писан на велицей вечерни.*

**НА ВЕЛИЦЕЙ ВЕЧЕРНИ**

**Блажен муж: 1-й антифон. На Господи, возвах:  
стихиры самогласны на 8, глас 8:**

**Божественная и светоносная настá память  
днесь, / иже в постницах великаго Ферапонта, /  
души и телеса веселящи. / Темже приидите, праз-  
днолюбцы, / яко да насладимся нынешняго торже-  
ства, / се бо наше звание прииде, / и Россійския  
земли удобрение, / и граду Галичу похвала и  
утверждение, / снаследник бо Христов явися, / и**

Безплотных житию подражатель быв, / и молится  
Спасу всех / умирить мир и спасти души наша.

**Веселися и радуйся о Господе, / великий град  
Галич, / процветши в концех своих новаго све-  
тильника, / якоже солнце, сияющая, / красуйся и  
ликуй, Церкви Божия, / монахов множества, сра-  
дуйтесь, / празднолюбных собори, разыграйте с  
Давидом: / сон честен пред Господем смерть препо-  
добных Его.**

**Чистое и пречестное приятелище явися Духу  
Пресвятому, / преподобне отче наш Ферапонте, /  
Безплотных бо во плоти житию подражал еси, /  
телесная движания воздержанием умертвив, / в  
живоносную мертвоность облечлся еси, / сего ради  
от Вседержительныя венчался еси десницы / и  
чудес исцеления от Него сподобился еси, / аще бо  
и преставился еси от земли, / но Божови жив  
предстоиши / и zde с нами невидимо водворяеши-  
ся, / но, яко имея дерзновение, / молися о душах  
наших.**

### **Слава, глас 2:**

**Приидите, монахов множества днесь, / псалом-  
ская пения цветы духовнии принесем, / яко во-  
истинну монашескому удобрению / и блаженнаго  
Василия сожителю, / егоже хваляще, сиче рцем: /  
радуйся, светильниче многосветлый, / возводя ко  
Христу монахов множество; / радуйся, Богохрани-  
мому граду Галичу похвала и утверждение, / и  
всем верным благоутешное пристанище, / и очи-  
щение болящим во гресех, / на Божественное тех  
возводя рачение. / Тем пречестную и святую твою  
и Ангелом говейную совершающе память, / радо-  
стно празднуем, преподобне отче наш Ферапон-  
те, / и Божественнаго человеколюбия просим  
получити / твоими к Богу молитвами, / и миру  
умирение даровати / и душам нашим велию  
милость.**

**И ныне, Богородичен: Прейде сень:**

**Таже паремии преподобническаия (зри страни-  
цы 151—153).**

### **На литий стихиры, глас 5:**

**Отче преподобне Ферапонте, / возсия днесь  
пресветлая и всепразднственная память твоя / и**

озаряет приходящая к тебе верою. / Мы же, чада твоя, днесь память твою радостно празднуем, и верно восхваляем, / и прилежно ублажаем, и тебе величаем, / яко крепким и твердым воздержанием добре претерпев, / тем же на Небесех обрел еси безконечную жизнь / и чисте зриши Святую Троицу. / Сей молися / о иже верою и любовью чтущих святую память твою.

Отче преподобне Ферапонте, / добрыми делы на земли пожил еси, / мирскую славу оставил еси, / во дни и в ночи в заповедех Господних пребыл еси, / и Небесную лестницу обрел еси, / и в Горнее царство вселился еси, / веселие присносущное и славу неувядаемую, / богатство неистощимое и еже праведных наслаждение, / почесть трудов твоих восприял еси от Бога, Благодетеля всех, / Ему же ныне предстоиши со всеми святыми / и спасай празднующих любовь святую память твою.

Смиренномудрие имея, / кроток душею и сердцем был еси, / единому Богу себе возложил еси, / и тесным путем шествовал еси, / постом, и молитвами, и бдением, / аще и человек естеством на земли был еси, / но Ангельски пожил еси, / ныне же на Небесех со пророки, и апостолы, и мученики, и всеми святыми ликовствуеши, / предстоя Престолу Владыки Христа, / моли спастися душам нашим.

### Глас 1:

Приидите, священных собори и православных сословие, / приидите, иноков совокупление, / и внидем, радуящиеся, в церковь Бога нашего / и чудотворную раку преподобнаго обьем радостно, / яко чудес сокровище неизъемлемо, / и, честныя его мощи любовью лобызающе, / различных недуг свободимся, / и душам спасение приимем, вопиюще к нему: / о всеблаженне отче Ферапонте, / моли Преблагаго Бога нашего / даровати победу на враги страны нашей / и спасти души наша.

Днесь веселится Небо свыше, / и земля радуется с человеки, / и да ликовствуют убо новоизбраннии россиястии собори, / и светло торжествуют иноческая совокупления. / Святая же Церковь Божия и

дѣвнѣя въ правду, / яко пресвѣтлыми зарѣями просвещаемѣя, / многѣх чудесъ наполняющисѣя от честныхъ и многоцелѣбныхъ мощей преподобнаго отца Ферапонта, / всю вселенную созываетъ похвалити подвиги его. / Темъ вси, сошедшесѣя / и того преставленіе въ пѣсняхъ и пѣніихъ весело празднующе, / воспоемъ Христа Бога нашего, / да подастъ намъ молитвами его миръ и великую милость.

**Настѣ днесь свѣтлое торжество / преставленія Богоблаженнаго отца Ферапонта. / Приидите, вси вернии, / Церковь Божию пѣснями венчаемъ / и въ ней прославимъ иже въ Троицѣ пѣваемого Бога нашего, / вопиюще и глаголюще: / Ты даровалъ еси, Владыко, / Своего угодника, граду нашему Галичу твердую стѣну, / и всемъ российскимъ странамъ крепкаго предстателя показалъ еси, / и христоименитымъ людемъ таковаго чудесоподателя, / и неисцѣльныхъ недугъ целителя, / и молитвенника о душахъ нашихъ.**

**Слава, гласъ 6:**

**Приидите, празднующіе вси, / священницы и монаси / и вси людие вернии, всякъ возрастъ, / днесь преподобнаго отца память весело празднуемъ, / и духовно торжествуемъ, и пѣсенно воспоемъ: / радуйся, Василіевъ собесѣдникъ, / и постниковъ подражателю, / и пустыни сей настоятелю. / Яко твоимъ явленіемъ сие мѣсто обретесѣя, / егда явился еси духовному иеромонаху Пафнутію / и о мѣсте семъ возвестилъ еси, / и по друга Адриана послати повелѣлъ еси, / отъ него же молитвами твоими и явленіемъ твоимъ обитель сѣя воздвигесѣя, / яко въ ней препочилъ еси, / и мочи твоѣя въ ней положени суть. / Радуйся, яко и по преставленіи своемъ чудеса творилъ еси, / о временѣхъ лютыхъ и мятѣжахъ, и о пришествіи иновѣрныхъ прореклъ еси, / и о глѣдѣ возвестилъ еси, / яко въ глѣдное время алчущіи люди прекормлени суть. / Егда же разбойницы на обитель сѣю устремшасѣя / и хотѣли разорити ю и имѣнія взяти, / ты же ю сохранилъ еси. / Темъ же и мы молимъ тя, / и пречестную твою память празднуемъ, / и Божественнаго человеколюбія просимъ получитьи твоими къ Богу молитвами, / и миру миръ даровати / и душамъ нашимъ великую милость.**

**И ныне, Богородичен: Богородице, Ты еси лоза:**

## На стихóвне стихи́ры, глас 1.

**Подóбен:** Прехва́льнии мученицы:

**Стопа́м блаже́ннаго Васи́лия послéдовал еси, преподóбне, / он бо безмо́лвия ра́ди А́нгелом собесéдник бы́ти сподóбися. / Ты же по преставлéнии его́ в пусты́нное мéсто избóлил еси вселíti-ся, / и та́мо жити́ю óнаго блаже́ннаго поревновáл еси /, и свет неизречéнный зрéти сподóбился еси. / С ним же Святе́й Трóице предсто́я, / моли́ спаст́ся душáм нáшим.**

**Стих:** Честна́ пред Гóсподем / смерть преподóб-ных Его́.

**Яко пресвётлое свети́ло, в пусты́нном мéсте просия́л еси / и, яко фíникс, в дому́ Бóжии прорóчески процвёл еси, / и плод пречéстен, сам себе, Влады́це / живу́ жéртву без крóве принéсл еси, óтче, / темже тя вси, любóвию сошédшеся, / по достóинству прísно ублажа́ем.**

**Стих:** Блаже́н муж, бойся́ Гóспода, / в за́поведех Его́ восхо́щет зело́.

**Настáвник своим жити́ем ино́чествующим, óтче Ферапо́нте, был еси, / себе́ пёрвее нача́ток Бóгови принося́, / воздержáния любомóдрием, и смирэ́ния высóкими нра́вы, / и безме́рным пощéнием врага́ смири́л еси, преподóбне. / Посóбствуй у́бо и нам моли́твами тво́ими / сетéй тогó избы́ти и спаст́ся душáм нáшим.**

## Сла́ва, глас 8:

**Весели́ся, Богохрани́мый гра́де Га́личу, / в кон-цех бо сво́их прозябе́ / иже во блаже́нных блаже́ннаго Ферапо́нта. / Сей убо, премóдростию Дúха Свята́го украси́вся, / вся́ко воздержáние добродéтельным своим жити́ем показá / и бóдущия ра́ди жи́зни над Мо́нзою рекою́ всели́ся, / ника́коже боя́ся невидимых врагóв шата́ния, / аще бо и я́ростию зéльною мно́гажды устремля́хуся. / Он же моли́твами сво́ими, / яко дым, без вéсти их сотвори́. / О, непорóчныя души́ и крéпкаго терпéния его́, / тогó и мы ходáтая приводя́ще, / мо́лимся Христу́ Бóгу / от собла́зн льсти́ваго избáвити нас и спаст́ души́ нáша.**

**И ны́не, Богороди́чен: Безневéстная Дéво:**



### Тропа́рь, глас 8:

**Л**юбовию Христо́вою, Богому́дре, просвети́вся, и добродете́льми / сожи́тельствова́л еси́ Васи́лию блаже́нному, / и, вся́кое наслажде́ние плотско́е возненави́дев, / в пусты́ню всели́лся еси́, / в ней же вельми́ подвижа́лся еси́, в жи́зни сей вре́менной / плоть умерщвля́я свою́ в пе́ниих, и во бде́ниих, и в поще́ниих. / Те́мже и Христо́с да́ром чуде́с обогати́ тя, / но помина́й у́бо нас, чту́щих пресвѣтлую па́мь твою́, / преподо́бне о́тче Ферапо́нте, / и моли́ Христа́ Бо́га спасти́ся душа́м на́шим.

**Сла́ва, и ны́не, Богоро́дичен.**

#### НА УТРЕНИ

**По 1-м стихосло́вии седа́лен, глас 4.**

Подобен: Удиви́ся Ио́сиф:

**С**обесе́дник и сожи́тель блаже́нному Васи́лию, о́тче, был еси́ / и, то́го стопа́м послѣдова́в, / яко Безплóтен, на земли́ пожи́л еси́. / Тем и преподо́бным яви́лся еси́ единожи́тель, / с ни́ми же тебе́ непреста́нно сла́вим.

**Сла́ва, и ны́не, Богоро́дичен:**

**У**мертви́ся вся кре́пость моя́ от мно́жества безме́рных зол моих, / и, мно́гими скорбьми́ одержи́м, уже́ отча́яхся. / Но помози́, Влады́чице, Ферапо́нта блаже́ннаго предста́тельством, / яко Ра́дость ро́ждши, пла́чущим утеше́ние.

**По 2-м стихосло́вии седа́лен, глас 4:**

**Я**ко в до́му войсти́нну, в пусты́нном ме́сте всели́вся, Богому́дре Ферапо́нте, / вся́кое озлобле́ние претерпе́л еси́, / до́брыя дете́ли, яко фими́ам благово́нен, в же́ртву благоприя́тну Бо́гови прине́сл еси́. / Тем же дерзнове́ние стяжа́в к Немю́, / моли́ дарова́ти очище́ние согреше́нием иже ве́рою хва́лящим святу́ю па́мь твою́.

**Сла́ва, и ны́не, Богоро́дичен:**

**П**рибе́жище су́щим в лю́тых обстоя́ниих непосты́дное, / премене́ние к Бо́гу согреша́ющим, Пре́чистая Влады́чице, / спаси́ нас от вся́ких бед и

скорбей, / обстояния и озлобления человека, и страшнаго мучения, и страстей безчестия, / несумненною верою Тя присно призывающих, Дѣво Всепѣтая.

**По полиелѣи седален, глас 8:**

**Подобен: Премудрости:**

**Нищету́** убо возлюбил еси паче богатства тленнаго / и союзом любви привязался еси блаженному Василию, / и с ним вся земная и мимотекущая возненавидел еси, блаженне. / По преставлении же блаженнаго пустынное озлобление усердно подъял еси, / темже и к ревности Ангельскаго жития подвигнул еси множество иночествующих, преподобне отче наш Ферапonte. / Ныне же на Небесех водворяясь, Трисолнечному Божеству предстоиши, / моли́ убо Христа́ Бога грехов оставление даровати нам и велию милость.

**Слава и ныне, Богородичен:**

**О** Тебе радуется, Благодатная, всякая тварь, / Ангельский собор и человеческий род, / освященный Храме и Раю словесный, / девственная похвало, из Неяже Бог воплотился и Младенец бысть, прежде век Сый Бог наш: / ложесна бо Твоя престол сотвори и чрево Твое пространнее Небес содела. / О Тебе радуется, Благодатная, всякая тварь, слава Тебе.

**Степenna, 1-й антифон 4-го гласа. Прокимен:** Честна пред Господем: **Евангелие от Матфея, зачало 43.**

**По 50-м псалме стихира, глас 6:**

**Егда** страстнаго мирскаго мрака избежал еси, Ферапonte преподобне, / тогда в славнейший царствующий град Москву прииде, / ко блаженному Василию вселился еси, пречудне. / И с ним проникл еси во глубину Божественнаго разума. / По преставлении же его отходиши во обитель Воздвижения Честнаго и Животворящаго Креста / пресловущаго града Костромы / и тамо сподобился еси иноческий великий образ восприняти. / Темже и, зельными трудами удручаясь в подвизах духовных, / яко Безплотен, подвижался еси, / и,

яко познано бысть отцем тоя обители, / жестокое  
 твоё житиё и труды, иже по Бóзе, / прославляху  
 тя вельми. / Ты же, отыде славы человеческия, /  
 вселился еси в пустыню, / ейже манием и в явлё-  
 ниях повелёл еси воздвигнути над Мόνзою рекою, /  
 идёже показася звоном, Ангельским пением, /  
 в ней же живя вельми трудолюбёзно. / В дёбри  
 уединяся, молился еси, / тело своё обнажая  
 мравью и мшицам\* / темже и сподобился еси,  
 яко прозорлив, дальняя проразумевати, / яко близ  
 сущая ясно глаголати, / и хотящее быти за гре-  
 хи человеческия / время гладное и иноплемённых  
 нашествие пророчески прорёкл еси, / но моли,  
 отче, молимся, избавитися нам таковаго преще-  
 ния / и спастися душам нашим.

**Канон Благовещению Пресвятыя Богородицы  
 со ирмосом на 6, таже преподобному Ферапонту,  
 глас 4.**

### Песнь 1

**Ирмос:** Отверзу уста моя, / и наполнятся Духа, / и  
 слово отрыгну Царице Матери, / и явлюся, светло  
 торжествуя, / и воспою, радуясь, Тоя чудеса.

Зельным воздержанием и труды, отче Ферапонт-  
 те, / и всенощным стоянием душу свою царя над  
 страстьми телесными поставил еси, / темже, духов-  
 но веселящися, Христа поём, / Иже тебе такую  
 победу даровавшего.

Владычному любостранству, преподобне, подо-  
 бясь, / сего ради и сам странствовать изволил еси,  
 Ферапонте, / темже Всевидящее Око, видев твоё  
 благое произволение, / даром чудес обогати ты, яко  
 преславна.

Душевною тихостию и любовью, яже к Бóгу, /  
 нравы и обычаи благими украшена ты видев, твой  
 духовный настоятель, преподобне, / всем пропове-  
 дует хотящая напоследок тобою быти преславная,  
 Ферапонте.

**Богородичен:** Люте погружаемому в пучине стра-  
 стей бурею безмерных моих согрешений, / спасе-  
 ния простри ми руку / и возведи мя, Владычице, из  
 глубины зол моих.

\* Мравью и мшицам — муравьям и мошкарё.

### Песнь 3

**Ирмос:** Твоя песнословцы, Богородице, / живый и независтный Источниче, / лик себе совокупльшия, духовно утверди, / в Божественной Твоей славе / венцев славы сподоби.

Проповедует доблия твоя подвиги и паче трубъ вопиет священная твоя, отче, пустыня, / яже тобою начало приемшая, / в нейже твоим промыслением устроися дом Божия Матере, / аще и не гласом, вещьми же хвалится, глаголя: / утвердихся тобою, Господи.

Единаго Бога возлюбил еси и, Сего крест на рамо взем, преподобне, / страннолепно пожил еси в постех, во бдениих же и молитвах, образ быв иноком. / Темже от Христа достойно прославился еси.

Плотскаго желания, преподобне, отвергся, / гордость возненавидел еси, / смирению же и нищете Василиеве подобяся. / Темже, преподобне, достигл еси святых жилища.

**Богородичен:** Помилуй, Едина Богомати, / помилуй и ущедри душу мою окаянную, потопляемую бесовскими прилоги и страстьми. / И прежде времени исхода моего силою очисти ю и умилосердися.

#### Седален, глас 4.

**Подобен:** Удивися Иосиф:

Удивися твой духовный отец Адриан, / зря в тебе великое воздержание, / и внимаше мыслию хотящая от тебе напоследок быти, отче Ферापонте, / видев бо твое, еже по Бозе, житие, / вражиими прилоги никако же колеблемо, / темже и свидетельствует, яко отец и хранитель твоему житию, иноком пустыни своея вопия: / сей же посреди нас меньший видится, / но последи в пустыни велик светильник пребудет.

#### Слава, и ныне, Богородичен:

Предстательница непостыдная, Богородительнице, / и Молитвенница готовая прибегающим к Тебе, / да не презриши мене, Владычице, от бед мя избави / и от всех зол, обуревающих душу мою.

### Песнь 4

**Ирмос:** *Неизслѣдный Божий Совет, / еже от Дѣвы воплощения / Тебѣ, Вѣшняго, / пророкъ Аввакум усмотряя, зовяше: / слава силе Твоей, Господи.*

На мѣсте, в нем же лежитъ честное и святое тѣло твоѣ, преподобне Ферапонтѣ, / многа исцеления приѣмлют вѣрнии, Христу от души вопиюще: / слава силе Твоей, Господи.

Промыслом Божиим пришѣл еси в пустыню свою, / в ней же живя, многих ко спасенному пути наставил еси, Творцу воспевати: / слава силе Твоей, Господи.

В целомудрии препроводив жизнь свою, отче, / земная Небесными изменив и тленная нетленными искупив, / темже Христу поѣши: / слава силе Твоей, Господи.

**Богородичен:** *Добрых всех обнажив мя, в злобу всего облече, / иже древле праотцев обнаживый первозданныя доброты. / Ты убо, о Богоневѣсто, избави мя коварства того / и одецы светозарною одеждою добродетелей.*

### Песнь 5

**Ирмос:** *Ужасошася всяческая / о Божественней славе Твоей: / Ты бо, Неискусобрачная Дѣво, / имѣла еси во утробѣ над всеми Бога / и родила еси Безлѣтнаго Сына, / всем воспевающим Тя / мир подающая.*

Странно твоѣ житиѣ, преподобне, купно же и смиреніе, еже стяжал еси, Ферапонтѣ, / яко ни самого того свѣта, иже в мирѣ от солнечнаго сиянія, достойна себѣ зренія вменил еси, / но в дѣбрых темных един уединяся.

Память твою священную творящих от всяких спаси прегрешений, печалей и напастей, / твоѣ нам даруй заступленіе, / всех Царю предстоай, отче Ферапонтѣ.

Богодарованная твоя благодать, отче Ферапонтѣ, / всякъ слухъ человѣческій удиви и научи, яже зде мнящаяся велика, / яко мала и худа презрѣти вся и последовати стопам твоим. / Тем же вопиѣм ти: / моли, преподобне, спастися нам.

**Богородичен:** Упова́ние мое Ты еси, Пречи́стая, и спасе́ние, и похвала́. / Те́мже прибега́ю к покрову Твоему́. / Не гнуша́йся мене́, грехи́ мно́гими, боле́зными и скорбьми́ ны́не поглоще́ннаго, / но, предвари́в, спаси́ мя.

### Песнь 6

**Ирмо́с:** Пожру́ Ти со гла́сом хваления́, Го́споди, / Це́рковь вопи́ет Ти, / от бесо́вския кро́ве очи́щися / ра́ди ми́лости от ребр Твои́х / истекшею Кро́вию.

Яко пресла́дкий не́кий виногра́д, / пусты́ня тебе́, о́тче, израсти́вши, пресла́вно тобою́ красу́ется / и, раду́ющийся, Христа́ прославля́ет, / Иже тебе́ ей дарова́вшего.

Но́щь, яко день, и день, яко но́щь, тебе́ вменя́шеся, о́тче Ферапо́нте, / не дал бо еси́ сна, по проро́ку, очима́ свои́ма, / ни ве́ждама дрема́ния, ниже́ поко́ю телеси́ твоему́, / до́ндеже сие́ чи́сто с душе́ю Бо́гови предста́вил еси́.

Ны́не свято́е те́ло твое, преподо́бне, в пусты́не лежа́щее, / в ней же еще́ в сей жи́зни всенощными бде́нии и моли́твами потруди́лся еси́, / исцеле́ния мно́га источа́ет с ве́рою приходя́щим, / те́мже мо́лим тя: душе́вное здра́вие подава́й нам, тебе́ сла́вающим.

**Богородичен:** Твою́ пода́ждь ми по́мощь / и изба́ви мя от бед и скорбе́й и прегреше́ний мои́х, / яже всех ро́ждши при́сное Избавле́ние.

### Конда́к, глас 8:

**В**озложив себе́ Бо́гу от юности, преподо́бне, / То́го па́че всех возлюбив, / и То́му от всея души́ любви́ю последовал еси́, / тле́нная и кра́сная ми́ра нивочто́же вмени́в, в пусты́ню всели́вися, / в ней же до́бре подвиза́лся еси́ проти́ву невиди́мых враго́в ко́зней / и, яко светоза́рное со́лнце, в конце́х Га́лическия земли́ возсия́л еси́, / отону́ду же, веселя́ся, преше́л еси́ к Небе́сным оби́телем, / и ны́не со А́нгелы Влады́чню Престо́лу предсто́я, / помина́й нас, чту́щих па́мять твою́, да зове́м ти: / раду́йся, Ферапо́нте, о́тче наш.

### Икос:

**К**ако возмо́гу, недосто́йный и повинный грехо́м мно́гим, / по досто́янию воспéти éже во плóти равноа́нгельное житиé твоé и преслáвная чудеса́, / аще убо и мно́зи премудрии не достíгнут исповéдати мно́гаго твоегó терпéния, и смирéния, и тёпल्या éже ко Христу́ любвé, / но обáче надéяся на твое безлóбие, óтче преподóбне, сiце вопию́ ти: / рáдуйся, Ферапóнте преподóбне и Богонóсе, Небéсный челове́че, земный́ Ангеле; / рáдуйся, яко́ кроме́ мiра сýетнаго в пусты́ни жити́ изво́лил еси, / и в ней строителю́, отцу́ своему́ духо́вному Адриану́, обiтель соста́вити повелéл еси, / и хра́мы пречестны́я Воскресéния Христа́ Бóга нашего́, и Пресвяты́я Богороди́цы Благовéщения, / и вели́каго в чудесéх Никола́я воздвiгнути повелéл еси, / и в них тобо́ю Бог сла́вится; / рáдуйся, яко́ измлада́ Бóгу послужил еси, тésным и прискóрбным путе́м прiсно шéствовав, / и мно́жества́ iкон слы́шиши, сiцевáя тебе́ глаго́лющих: / рáдуйся, спасéнию нашему́ ходáтай, / iже дóбре всех упасýй от навет врэжиих; / рáдуйся, посрамiвый бесóв полкi; / рáдуйся, iночествующим пресвётлый светiльниче и столп терпéния; / рáдуйся, яко́ на святéм твоéм преставлéнии воню́ благоухáния обiтели твоея́ / и окрест живýщих на мно́ги дни облагоухáл еси; / рáдуйся, яко́ iнока, слéпа сýща, на святы́я твоя́ мóщи припадша, / молiтвою́ своéю прозрéти сотворил еси и свет видети даровáл еси / и iна мно́га чудеса́ по преставлéнии своéм сотворил еси; / рáдуйся, граду́ Гáличу похвалá и утверждéние; / рáдуйся, яко́ всем скорбýщим мiлость и благоутрóбие отвёрзл еси, / и нищим заступник и корми́тель и унывáющим утешéние; / рáдуйся, яко́ приходýщих к цельбоно́сному твоему́ грóбу от навет врэжиих избавля́еши, / и помыслы злы́я от них отгоня́еши, / и скорбýщим слáдкое утешéние пода́еши; / рáдуйся, рáдости Божéственны́я подáтелю и чудес истóчниче к тебе́ притека́ющим. / Рáдуйся, Ферапóнте, óтче наш.

## Песнь 7

**Ирмос:** *Не послужиша твѣри Богомудрии / паче  
Создавшаго, / но, огненное прещѣние мужески по-  
правше, / радовахуся, поюще: / препѣтый отцев  
Господь и Бог, благословѣн еси.*

**Великаго** сподвижника и ревнителя твоему житию, преподобне Ферапонтѣ, / блаженнаго Адриана стяжал еси, / егѣже и отца духовнаго именовал еси, / иже равноангельскому твоему житию последоваше, / с ним же в Вѣшних водворяяся, нас поминай.

**Града** и отечества своего пресельник был еси / и, в славнейший царствующий град Москву пришед Божиим промыслом, / с Василием блаженным жителствовал еси, / идеже благодать, отче, от Господа приыл еси.

**По** Божественном твоѣм преставленіи, отче Ферапонтѣ, списателю, пишущу твоѣ житіе и чудеса / и в молебном списаніи канона в недоумѣнии ему бывшу, / ты, отче Богоносе, в видѣнии явился еси, повелевая без сомнѣния похвальная и молебная писати и Христови вопити: / благословѣн Бог отец наших.

**Богородичен:** Человѣческия напасти и советы, Чистая, разори Божественными Твоими молитвами / и рабы Твоѣ избави многих болѣзненных прегрешеній, / яко да Приснодеву Тя ублажаем.

## Песнь 8

**Ирмос:** *Отроки благочестивыя в пещи / Рождество Богородичо спасло есть; / тогда убо образуемое, / ныне же действующее, / вселенную всю воздвизает пѣти Тебѣ: / Господа пойте, дела, / и превозносите Его во вся вѣки.*

**Блаженнаго** Василія, преподобне Ферапонтѣ, смирению поревновал еси / и Христа ради смиренное и жестокое житіе возлюбил еси, / земнаго пристрастія отрекаяся, / темже и чести святых сподобился еси / и с ними поѣши Господа во вѣки.

**Богохранимый** град Галич, иже в концѣх своей области тебѣ стяжавый, / радостию радуется, преподобне Ферапонтѣ, / тебѣ бо, яко стѣну имѣя



твёрду и столп необорим, / и Христа́ воспева́ет,  
Иже тебе́ сему́ дарова́вшего.

**Дерзну́вша** убо священнойнока изве́щение при-  
йти о святе́м телеси́ твоём / Божественная а́бие  
сила напрасно порази́, / но твоими моли́твами  
исцеление получи́. / Те́мже и мы, веселя́щися,  
вопи́ем: / Го́спода по́йте, дела́, и превозносите Его  
во ве́ки.

**Не** то́кмо в житий твоём, но и по отше́ствии  
ми́ра / мно́жайшая чудеса́ от честна́го гроба  
содева́ются приходя́щим с ве́рою, преподо́бне  
Ферапо́нте, / всякия бо неду́ги прогони́ши си́лою  
духо́вною и от бед изыма́еши, / тем непреста́нно  
вопи́ем: / Го́спода по́йте, дела́, и превозносите Его  
во ве́ки.

**Богоро́дичен:** На моле́ние моё умилосе́рдися  
ны́не / и ра́дость ми в печа́ли ме́сто да́руй, / да пою́  
Тя, Влады́чице, и вопию́ Сы́ну Твоему́: / Го́спода  
по́йте, дела́, / и превозносите Его во ве́ки.

## Песнь 9

**Ирмо́с:** *Всяк земноро́дный / да възгра́ется, Ду-  
хом просвещáемь, / да торжествует же Безплóтных  
умов естество́, / почита́ющее свяще́нное торже-  
ство́ Богома́тере, / и да вопи́ет: / ра́дуйся, Всебла-  
же́нная Богоро́дице, / Чи́стая Присноде́во.*

**Ру́це** твой, преподо́бне Ферапо́нте, еже к Бо́гу  
воздея́нием пресла́вно чудодействоваша, / моли́т-  
вами бо твоими огонь с Небеси́ свел еси во  
очище́ние ме́ста Пречи́стыя Богоро́дицы, / Ея́же  
вси с тобо́ю велича́ем.

**Ибо́не** проро́ку подобя́ся, / лю́дем пре́жде бытия́  
предвозвещáеши злове́рных на град и на лю́ди  
наше́ствие, / сего́ преще́ния и нас изба́вити, препо-  
до́бне, помолы́ся, / Богоро́дицу Пречи́стую велича́-  
ющих.

**Руко́ю** мою́ недостойною приносимо́е тебе́ с  
трудом хваление, óтче Ферапо́нте, не презри, / но  
прими́ и моли́ Творца́ своего́, Влады́ку и Го́спо-  
да, / бу́дущаго тамошняго мя изба́вити муче́ния  
вечнаго, / иже тебе́ ве́рою почита́ющих.

**Певцѣв,** иже тебе, преподобне, искренно воспевающих / и твою память честную, блаженне Ферапонтѣ, верою прославляющих, / освяти, и прослави, и от бед избави и напастей, / иже тамо вѣчнаго, отче, мучения, / да тебе всегда воспеваем.

**Богородичен:** Светородительнице Дѣво, души моя облак отжени / и даждь ми зрѣти чисто, Владычице, спасительную доброту / и возсиявшую неизглаголанно из Твоея пречистыя утробы во свет языком, Препѣтая.

**Светилен:**

**О** иже твое преславное успение празднующих, блаженне, / моли Христа Бога избавитися всем от различных напастей, / да вси тебе прославляем, Ферапонтѣ.

**Слава, и ныне, Богородичен:**

**Тя** пѣсньми немолчными убожаем, Дѣво, / яко от Троицы Единого родила еси, Богородице, / и носиши на Божественную руку Превѣчное Слово, непременно и неизменно.

**На хвалитех стихирь самогласны, глас 8:**

**Временных** презря и дольних, Богомудре, / высокая и пребывающая возлюбил еси. / Божественным рачением крест бо свой понес на раме, / Евангельски Бога возлюбил еси, / пощением мужески победив бесовския полки, / с Небесными веселишися лики, яко непобедим, / горних желая, безконечныя жизни сподобился еси, / но молися, Богоносе Ферапонтѣ, Спасу всех / умирить мир и спасти души наша.

**Приидите,** стецытесе, иноческая чета Боголюбивая, / к Божественней памяти Ферапонта преподобнаго. / Сей бо от юны версты взят иго Христово на ся, / тем от Него прият дар чудодѣйствия, / и в гладныя лета многих во обители своей препитати повелѣ, приходящия в Пречистыя дом, / и во грядущее лето молитвою своею / плодом умножения у Христа упросил есть алчущим людем, / и посмеявшемуся тебе велий недуг объял его / и покаявшемуся ему о своем согрешении прощение подаде, / сей молитвою твоею исцеление получи / и велию веру к тебе стяжа, / и ощутившей ты женѣ

в дѣбри запрещением своим слепоту наведе, / и покаявшейся ей молитвою своею паки свет очима ея дарова. / Тем и мы молим тя: / избави нас от враг видимых и невидимых / и молися Христу Богу / умирить мир и спасти души наша.

**Преподобне Ферапонте, Богоблаженне,** / почився во дни и в нощи, заповедей Господних / сподобился еси обрести лествицу Небесную, / по нейже возшед, достигл еси Горняго Иерусалима, / и, от болезней и трудов достойную почесть прием, / со Ангельскими лики ныне радуешься, / и Божественнаго зрѣния Единосущныя Троицы наслаждаешься, / темже и нас поминай.

**Предстоя у Престола всех Царя, Христа Бога нашего,** / аще бо и телесне язык твой умолче, / но чудеса свидѣтельствуют, / Галицкая страна вельми тобою хвалится / имѣю бо, — рече, — тебе, сокровище неистощимое. / Сами бо, зряще честную раку мощей твоих / и чудеса бываемая, / прославляют прославльшаго Господа, / тем, дерзновение имѣя к Нему, / и нам испроси оставление грехов и велию милость.

### Слава, глас 2:

**Приидите днесь, лица иночестии,** / притецем ко гробу Ферапонта преподобнаго, / молящися Христу Богу нашему, / просяще грехов прощѣния, / стране нашей на враги победу и одоление, / и плененным свободѣние, / и миру устроѣние, / и церквам соединѣние, / и душам нашим велию милость.

**И ныне, Богородичен: Все упование мое:**

**Славословіе великое. И отпуѣст.**

**На Литургии служба вся преподобническая.**

**Преподобный Ферапонт Монзенский** начал свои подвиги в Москве, затем перешел в город Кострому в Воздвиженский монастырь и там принял монашеский постриг.

Еще при жизни он прославился чудотворениями. Однажды преподобный Ферапонт явился во сне двум благочестивым инокам Павло-Обнорского монастыря Адриану и Пафнутию и повелел основать оби-

тель на берегу местной реки Монзы близ Соли Галицкой (Корежская волость). Преподобный жил в отшельничестве после ухода из Воздвиженского монастыря. Когда был построен монастырь в честь Благовещения Пресвятой Богородицы, преподобный Ферапонт прославил его двумя чудесами. Он явился во сне рыбаку из Соли Галицкой и кузнецу из Буя, у которых болели сыновья, и предска-

зал, что их дети исцелятся в новоустроенном Благовещенском монастыре на реке Монзе. И действительно юноши исцелились, положив начало паломничеству в эту обитель.

Через некоторое время преподобный сам пришел в Благовещенский монастырь. Все, кому прежде являлся неизвестный старец, признали его. На расспросы о своей жизни он отвечал немногословно: «Сожительствовал блаженному Василию в Москве». Из этого можно заключить, что в Москве он нес подвиг юродства.

Преподобный Ферапонт просил игумена, старца Адриана, стать его духовным отцом. Во время исповеди старец Адриан был потрясен душевной чистотой преподобного Ферапонта, силой его веры, его духовной мудростью. Пав на колени перед преподобным, он умолял его о духовном руководстве. Но преподобный Ферапонт взял со старца Адриана обещание ничего не рассказывать о нем братии и обращаться с ним как с обыкновенным монахом.

Два года пребывания преподобного Ферапонта в монзенском Благовещенском монастыре были временем великого смирения, кротости и аскетических подвигов.

Каждый день после полунощницы преподобный Ферапонт удалялся в глухую лесную чащу и там молился до позднего вечера. Некоторые из братии осуждали его за то, что он не участвует в общих монастырских трудах и общей трапезе. Невольно впадая в злословие, они говорили: «Не молиться он ходит в лес, а спать». Преподобный с кротостью переносил эти нарекания и продолжал свой молитвенный подвиг. Однажды крестьянка Пелагея, собирая в лесу грибы и ягоды, увидела молившегося преподобного Ферапонта. По лицу и рукам его, покрытым комарами и мошками, текла кровь. Преподобный

запретил ей рассказывать о виденном.

Скончался преподобный в конце XVI века. Перед смертью он призвал к себе в келью игумена Адриана и братию, простился с ними, попросил причастить его Святых Таин и предрек свою близкую кончину. Он очень просил, чтобы ему, уже умершему, дали Богоявленской святой воды.

Когда на третий день рано утром игумен с братиею вошли в келью, преподобный Ферапонт лежал мертвым в полном монашеском одеянии с покрытым лицом. В келье горели лампы и свечи, а на крыше сидел голубь, не улетавший три дня. Исполняя волю умершего, игумен поднес ложку святой воды к устам усопшего, и тот проглотил воду.

Тело преподобного торжественно погребли в приделе во имя святителя Николая; 40 дней в воздухе стоял тонкий аромат ладана.

В летописи монастыря описаны многочисленные исцеления, происшедшие у гроба преподобного Ферапонта. Кирилл Зеленок, посадский человек из Галича, Борис из Казани, Борис из Буя, Богдан Карпов, боярский сын Патапий Пылаев получили исцеления по молитвам святого. Однажды преподобный спас суда от гибели при прохождении через пороги. Эти и многие другие факты побудили игумена монастыря соорудить новое надгробие над могилой преподобного. Когда раскопали могилу святого Ферапонта, его мощи нашли нетленными. Была сооружена рака с образом преподобного Ферапонта и установлено постоянное молебное пение у его гробницы.

В Службе, составленной в память преподобного, прославляются его кротость, смирение, полное пренебрежение мирской славой, любовь к людям и готовность приходить к ним на помощь.

